

*Balora hunto na mas di 10 miyon Euro*

# Gobierno y Comision Europeo a firma pa dos proyecto importante pa Aruba

*Ta trata di Museo Nacional Aruba y mehoracion Parke Nacional*

**ORANJESTAD** – Dia 12 di mei 2005, e embahador di comision Europeo sr. P. Elklund acompaña pa sr. Schierhorst tabata di bishita na Aruba pa firma conhuntamente cu minister di Finanza, dos proyecto cu lo bai wordo checuta na Aruba.

## **I D E N T I F I C A P R O M O C I O N**

Gobierno di Aruba conhuntamente cu Comision Europeo a identifica promocion turistico como e sector principal pa traha riba dje. E obhetivo ta pa diversifica e producto



turistico dor di crea y encurasha extra atencion pa keda competitivo den e mercado turistico di e region y pa haci e producto

mentiona mas sofisticata.

## **N I V E L   H A L T O   D I P A I S A H E**

Dor di crea un nivel mas halto di e paisahe di Aruba

y na mes momento proteha e ambiente natural y cultural di nos pais, e obhetivo lo wordo logra. Pa e motibo aki dos proyecto cu ta corela cu e obhetivo menciona aki riba lo wordo financia dor di Comision Europeo. E proyectonan ta Museo Nacional Aruba, y Parke Nacional Arikok.

## **P R O Y E C T O   M U S E O**

E proyecto di museo Nacional Aruba lo ensera restauracion di e monumento historico, Ecury Complex, incluso construccion di un edificio nobo formando asina e Museo Nacional

Aruba. E proyecto tambe lo ensera muebla y ekipa e Museo Nacional Aruba pa hacie operacional. E costo di e proyecto aki lo suma 4.4 miyon euro.

## **P R O Y E C T O   P A R K E**

E proyecto di Parke Nacional Aruba lo ensera mehora e caminda principal di e parke. Construcccion di e Park Center cu ta ensera un edificio pa e parti administrativo y pa e ranger Nan y un di dos edificio pa e bishitantenan di e parke. E infraestructura rond di e Visitor Center tambe lo wordo mehora. E proyecto aki lo costà 5.6 miyon euro.